

Bista Politico ta un seccion di *Bon Dia Aruba* specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di *Bon Dia Aruba* y ta pa responsabilidad exclusivo di e organisacion/individuo cu ta ofrece esaki pa publicacion. *Bon Dia Aruba* ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di *Bon Dia Aruba*.

BISTA POLITICO

Prome reaccion di AVP riba fayecimento di Digna Laclé Herera

“Etica y decencia den y pafo di politica a caracteriza su bida”

Na e bunita edad di 96 aña a fayece. Pa hopi decada Sra. Digna Laclé-Herera señora Digna Laclé-Her-



era a sirbi como educador, poeta, consehero y ciudadano ehemplar den masha hopi sentido. E no ta un persona cu tabata busca publicidad. Al contrario, den tur silencio y privacidad el a educa, siña, conseha y guia hoben y adulto.

Politica

Sra. Digna Laclé-Herera a drenta politica na e momento cu nos pais tabata tin mester di un direccion nobo, pa renoba nos pais, nos economia, nos enseñansa y renoba e forma cu tabata hiba politica na Aruba. Su contribucion no tabata solamente den e loke e tabata skirbi y bisa, pero tambe den e forma cu e tabata biba y hiba politica como miembro di partido AVP den y pafo di Parlamento di Aruba. Ta pa e ehempel cu el a duna cu su propio comporta-

cion y trabao, cu partido AVP a crea e Fundacion Digna Laclé-Herera pa formacion politico. Den transcurso di añanan, politiconan di diferente partido a sigui cursonan organisa door di e fundacion aki na Cas di Partido.

Te awe, e bida y trabao di Sra. Digna Laclé-Herera ta sigui inspira y forma un guia pa politiconan na Aruba. Un di e expresionnan cu Sra. Digna Laclé-Herera a uza hopi ta: “No djis bisa loke Bo kier haci. Haci loke Bo ta bisa.”

Partido AVP ta di luto

Den un prome reaccion lider di AVP mr. Mike Eman a corda ken Sra. Digna Laclé-Herera ta y cuanto el a contribui na nos pais. Mike Eman: “Cu hopi dolor combina cu recuerdonan di admiracion y respet profundo nos ta biba e noticia conmovedor cu un

gran dama a bay laga nos: Digna Lacle-Herrera. Un dama masha stima, respeta y hopi conoci den comunidad pa e maestra cu e tabata, su poesianan bunita, pa a yuda hopi hoben cu awe ta adultonan responsabel y pa e politica recto cu semper el a hiba. Un troncon di miembro di Parlamento. Etica y decencia a marca su bida y trayectoria. Normanan y balornan grandi na cual Partido AVP a dedica un Fundacion, Digna Lacle Herrera pa forma sirbidornan nobo pa Aruba a base di su inspiracion. Un hende cu nunca a riña pa bisa e cos manera e ta, para pa su principianan y opinion. Nos ta bay haya hopi falta di Digna. Hopi forza na su famia y e comunidad di Aruba cu tanto a stim'e manera nos. Cu nos Creador dun'e un lugar bunita di sosiego pa e personahe recto y special cu e tabata.”